

沱村先生集卷之六

門人餘姚諸大圭編次
後學澶淵張指南校刊



序

贈薛萃軒掌科按邊儲序

黃門萃軒余同年曰薛君者有道之士也余自釋褐時傾蓋立
談間已識其大矣而况比離之日益密者乎嘉靖丁酉歲萃軒
奉命行邊勘儲於遼余時承乏按於遼遼之人士聞其名義
咸嘖嘖慕其來既至乃見薛君丰采凝凝與人言不妄自檢雖
跬步不踰矩矱則課諸生議論古今殊無倦意浹旬裁定遼志

數卷以昭人文至於嚴簡稽精會計檄詢察以互糾之委群幕而奔走之幹濟有體而斷不踰時其明敏克捷忠而不誣天性有如此者居無何事竣而西遼之人識與不識望其冠蓋撤業聚觀從遊之士聯絡倚轡依依不忍去咸別于首山之陽維時飄風布冽驪駒已駕余也慨夙昔之麗雅感目前之萍蹤陸離仙旆寥廓雲霄為之黯然者再四因作而前曰執事享當世重名所在信從今勤勞王事以彙披垣將有五獻納而懌當宁福困窮以壯長城者其在斯行與薛君相顧唯唯而別遂書以為序

贈朱思齋道長按邊儲序

嘉靖丁酉歲侍御思齋朱君奉命按邊儲偕吾同年薛黃門均有事於遼者也既行部出都門畧薊北風聲所樹聞遼之訊者曰嚴不可近也時威已振關西矣既度關歷鍾秀諸鎮行路之人皆震懼相戒曰威難犯也若彼狐鼠者其將自廢乎蓋有撼山岳而撞冥渤者矣既至襄平得近霜節則見其氣稜稜如也猶夫昨也詞侃侃如也猶夫昨也其執物誠其執法信其體察密亦無異於臺端奔趨之時余因自悟曰向之告我以嚴者用德也布德者用法也勅法者用信也故嚴威之所自出也威振而形不露本之衷者盛也曩之報非妄也始信昭德以蓄威則其威也不禦可以為觀風者範矣余雖叨按斯地徒暴於外

而中未必有者安能以德而昭威也亦將繩勉從事自信已而後信人者以求夫昭德之所在也高山仰止景行之心益切故因朱君將行述所聞以告朱君曰有是事乎吾不知之矣余曰真不獨以威者已遂以是為行贈

贈兵憲侯二谷大參廣右序

二谷公以名進士列銜豫憲副領鎮天雄紀憲飭飭嚴振河朔是時天子方向文學軫念遐方乃明陟廣右大參君子曰賢詰進矣蒼生其有瘳乎屬郡邑長貳拱手稱賀咸佐以行開大夫周雲川感公義氣走餞於漳之濱乞言為贈昔余附驥留都與二谷俱為郎署已窺其風際歲歲天又二谷登豫任過澶又

晤公於傾蓋間仰見儀岸迴出物表可為地方慶矣今喬遷而去也尚可以不文辭乎乃拜手颺言曰卓哉曰二谷其來也可依其去也可述蓋二谷以才表見於世者也夫文以經國武以禦遠古之善治也兼之者可以語才矣載觀兵道設於大名而大名倚太行帶河濟比接陘易祭戰相望以藩翰京都而鞭敲兗豫昔人擬之天險所以重畿輔一內治也今胡虜跳梁雲中為急九重旰食河朔有首尾相應之勢維時簡兵餽餉戎事參伍窺敵制變動在須臾當其任者非才何以濟之二谷周旋其間從容談笑劑量機宜如執左契深得以逸待勞以靜制動之機茲非所謂樽俎折衝耶若綜理簿書片言鼠牙剷除潢池

事也今祭廣政以督軍餉事簡民朴所謂千里之騏驎馳騁
康莊必無滯矣又何說之辭或曰廣右視諸省為少僻而二谷
才又大為國憐才者所宜圖也若士之喜功名而慕速化樂恬
淡而甘循墨者不以為迂則以為緩矣孰肯嬰情以自蹈軒輊
之地執然而二谷聞命而趨偃倮是式靖恭就列之心謁如也
此其器量有度越諸人者况平生講學論心析義極精家庭淵
源遠有端緒聞先余憲華山公以直節忤時被逮二谷當髻年
即能上書訟寃識者已諦其不踐石之心而壯其棄繻之節矣
曾謂少壯登朝譽延海內而立身大節已樹未職於薦紳之表
蓋不待履迹域恪臣職而後已也由是以鴻
而橫鶩雲

衢蒼生之望已紆而召茨之思可但已乎昔尹吉甫咏樊侯之
德曰柔嘉維則而稱其有補衮之能咏申伯之德曰柔惠且直
而贊之以文武是憲蓋二谷以天粹之學成淵然之識進退從
容動有準繩文雅馴而詩清麗有遷甫之遺矩焉且駁歷中外
貞礪礪而壯山羔羊之操又偉然矣稽諸口碑豈居言甫後
耶雖然古之論才者必繼之以誠若二谷不事鋪張而舉動光
明其愛國憂時皆真心實意所及諒非脂膏世故轅駒異途者
可同日語也茲其誠立而才濟非文武之所當憲者乎他日膺
補衮之榮其格心事業堯舜君民又存乎終始典學之一念此
非愚鄙可以漫談者姑以覩記緒餘而紀之行以足諸大夫景

序
慕之意

賀大中丞喻吳臯操江序

嘉靖己未中丞吳臯喻公以開府督撫紫荆重地是時秋防已固虜騎銷跡天子嘉其績移陟公留院理操江事天雄兵憲見吾陳君喜君子亨嘉慶雲龍遭際乃趨易水觀燕峰顧五雲之縹緲瞻祭戟之森列斯時也微風暢和海日麗空慨歧路於崇朝慕義氣之相投乃拜首稱賀出郊飲餞為壽者三初辭曰主上以公獨坐重臣居三輔重地右抗雲翔左連營薊宛吭督亢藩屏神京乃開誠奉公撫大寧之材官募六郡之駉健俾士感投醪之恩起矩筵能先聲振疊列陣成雲胡虜噬脂

而不敢近焉公犄角抗禦之功居多此群望所推重當守之嘉悅也今膺新命以肅南紀斯行也不為遭逢之盛乎又辭曰處外者闕中識遠者量宏公以中州奇傑學究典墳扣其蘊則探頤啓秘稽其用則致遠圓神是以立朝而懿軌擅名攬轡而百度惟貞化普菁莪而留心譽髦嫺辭會理而橫鶩菟場水槩之素操節檢之遐飭也斯行也於畿輔有遺愛焉寧不足以壯山河而翼帝德乎又辭曰騁騏驥者輕千里按湛盧者易盤錯言適於用也今公處江漢上游握紀綱重任是何易按湛盧以御騏驥也雖海寇匪茹餘孽潛引前此屢屢徵兵而齟齬如故豈肉食之寘謀亦夷運之煨燬也是以投筆者紛如而請

纓者違志事固有待也今公以挺出之才負忠義之氣深識根本之圖務肅風紀之地將協群策以備水陸吐甲兵而妙經畧且韜機不昧勿食餌兵周逐窮寇已於禦虜之畧而得制倭之術矣在昔郭裴韓范著名唐宋固以謀猷之允壯而實忠蓋之雄區也以公視數公其忠猷豈有異於公共自信可乎語未竟公歆然若不勝曰烏敢當烏敢當余承見吾命得郡守鄭子述其語以侑別余何言乃賦曰文武吉甫萬邦為憲吳舉以之辭之憚矣民之莫矣見吾有烏余何幸得聞頌言之雅

送府太守王印東榮遷浙省憲副序

惟浙為海內名藩才賦所出不惟物采之秀而山水之麗甲天

下矣四方彈鋏者往往樂遊焉然而心至則反故倭夷乘之以煽禍亦自浙始由是樂土變為戎馬之場寧非教耶况職司紀憲以安反側所係不尤重乎當是任者非有諳練果毅之度博洽明作之才弗克濟也今印東公素宣於朝以碩望著為司徒郎經賦有方出守武昌力克繁劇今知天雄而聲聞藉藉華實並美可以占濟時之良矣天雄雖踞簡僻然北瀕虜徼為三輔喉舌邇者北鄙多事羽檄傳報徵兵選車與大寧中山埒者歲無虛日加以旱蝗為害富室懸罄窮黎逋竄郡事日已鞅掌矣印東公周旋其間精覈物理遠恤民隱雖案牘旁午而應酬暇豫猶景行先哲以延俊髦校士論文日程月試不遺餘力焉此

非博洽而果練者耶伏覩 天子神聖軫念遐方側席求士以
公為浙東憲蓋歆肅清海徼而震疊遠夷也公聞命而趨義氣
所激壯猷允塞有方召之遺意是不以任事為虞而慨以效忠
自勵也譬猶莫邪干將斷蛟截犀利器乃見然則公之才志吾
知其有餘刃矣豈非國之棟幹宜受錫祉者哉將行艤舟於衛
水之涯于時十郡邑良牧鄭汝宜等稍觴旅餞神色俱肅倏然
為 朝廷得人賀也而天雄父老遮道攀留似有昔人借寇之
意澶人沱村子聞其事而壯之乃承命作誦以佐公行曰 海
岳之精間氣挺生奎童拔萃甲第蜚英經儲天府鳴珮地卿兩
典鉅牧諸郡風清注音巒鬣雅造明經棫樸化廣允副國損里

巷康樂遮道頌聲 帝曰嘉止寵錫金紫簡命南邦肅昭風紀
群工燕喜飲餞于郊風爽氣清輝映旌髦英雄相視驪歌如虺
指日誓蒼共翼清朝林壑拭覩期登鳳窠疊疊蕪詞莫惜解嘲
賀陳見吾榮遷浙江大衆序

南郡見吾陳公整飭天雄兵戎者三載嚴實茂著偉績用彰
天子嘉其行能遷授浙江大衆群情於是翕然矣屬吏別駕劉
君敏政以廉明受知於公遂致辭於余余昔年按楚與見吾有
一日之雅况督兵禦夷中流擊楫之語猶在也尚可以文辭乎
嘗謂君子表見於世也不惟其才亦有忠誠醞藉以為之地耳
是以見吾公德性純正學有本源故能究極天人洞識物理即

其蚤登高第歷見令惠政旁達為御史則埋輪擢采敷歷中外
幾二十年稍遷今秩所在聲稱藉藉是誠與才契者也持此以
往何有於浙哉今觀見吾駐節天雄也不立已於峻也清介過
人虛心宏量以來四方之士控弦超距者動以千計無不一當
百暇時委官屬以時操練有警則合諸道兵徑趨井陘以禦虜
虜人噬指而不敢深入南趨者三年矣連歲旱蝗民思流移公
約已多方賑恤勞來還定民各安業學校為才傑奮跡之地公
則易置學宮今明向背風氣攸宜士氣丕振又宣明教化首揭
鄉約以導民心寓保甲於禮教之中其政治粹美何如也似茲
善政筆端莫述又畫章章如是非誠積而才運者能之乎是故

仁義旁敷壯猷宣暢有以也載觀浙為東南都會抱湖山之盛
帶江海之險文物豐蔚甲天下矣頃年時有倭警屋

聖慮甚至添設官屬建置總督撫剿蕪行兵威振矣以 國家
全盛視之癘疥也雖滅此而後朝食可也何有於難禦哉雖然
兵食本相須也而食為先天下財賦出於東南者十之八分持
戟之士日以待哺而供應浩繁歲費不貲有識者深以為憂况
轉輸告乏民力不支積弊如毛禁令掣肘無悔乎妖寇滋蔓而
未已也神而明之在乎其人故曰天下有治人無治法要在得
其人調停樽節愛養之而已唐陸宣公有言地利生物有大數
人力成物有大限取之有度用之有節則財之諒哉况見吾雄

才遠器負文武之全本經濟之學力足以當天下之事而無疑者海內跋望久矣即今遇明遭 聖以翊 中興之運必有建不世之奇勲銘之彝鼎可以與宣公先後相映矣區區知政何足為公軒輊耶昔歐陽文忠公以文學飭吏治寬明有度吏民安之趙清獻公清介直諒發廩分勸民甚德之二公皆參知有大造於浙者然則踵芳躅以浙人思之至今不忘興蔽節之祝而至於勿剪勿拜者非見吾耶

壽家宰端溪八十序

召公以敬德作則而成夾輔之忠畢公以弼亮克勤而成保釐之治蓋天將昌國家又大之治則畀以龐艾名德之賢庶與國

家元氣相為終始則訂謀定命遠猷辰告所以輔理化成之機著矣豈非福壽之徵無疆哉蓋公自少時即有先憂後樂之志以天下為己任矣與王公濟為年友讀書三年不出外戶是以取青紫如拾芥有由也已歷任三十餘年囊無餘物有羔羊素絲之操為文如行雲流水不起竄稿是其生也不偶其出也有為呂申自岳降伊尹耕莘野昭乎史冊不可誣也公釋褐於武廟初逆瑾當朝作為厲階縉紳咸被其慘公奮不顧身嬰虺蛇而撩之蹈虎尾而不懼公之抗節何其壯哉又陳新政十三事皆鑿鑿可行天壽平格之道其以天下自任之術乎朝議嘉其敢言其他論大禮及陳情三疏再乞終養等疏忠愛之情宛

然可掬非經濟才猷氣象長裕者能之乎公平生敬慕者惟呂
涇野湛甘泉二人而已甘泉一見即知公為遠器自是講學論
文無間寒暑藻思邃章所著書無慮千餘言皆發自台衷鴻名
藝苑見先生之苦心然其經綸事業光明俊偉亦自不可掩矣
恭逢 天子右文興道致治擢公少宗伯舉朝稱賀以為得人
復轉南京太宗伯將以為太冢宰授公而公已浩乎不可留矣
而公即陳乞休致堂開綠野養高林泉譬如鴻冥鳳舉不可籠
繫若今 當宁虛已蒲輪委公以鈞軸必致泰階悉平生民潤
澤奚為不可幸今公神氣愈粹延接無倦其冲融 達優裕
康逸雖少壯人亦自以為不及寔天所以篤壽於公也况我公

之心忠信正直無一毫委曲留於其間有壽之道焉則天之壽
公也寧有窮已哉詩曰三壽作用如岡如陵言壽之者衆也予
不敏幸從鄉先生後以為公祝

引詞類

贈州守周雲川朝 天引詞

伏以

振鷺充庭衣冠總萬國之會飛鴻遵渚冕旒重九戩之思故詢
事考言自是虞庭盛事而奏功述職誠為臣子忠懷事存典謨
肇稱哲代慶 履端於景運正循良之彙征恭惟 雲川賢侯
湖海人豪氣鍾先岳之秀吳會右族家傳孝謹之風曾填五車

龍虎榜中魁傑才辨三豕麒麟閣上威儀分土枕河朔之交負
才擅東南之美官拜五馬職守專城抱范老之甲兵膺萊公之
鎖鑰陽春有脚變斥鹵為桑田甘雨隨車化鷹鷂為鳶鳳豈獨
拔雝尤善烹鮮沛鼎實舉玉鉉含弘御物噬乾肺利金矢明慎
用刑麥秀兩岐調豐年之玉燭民歌五袴護疆土於金甌導群
后之四朝長安日近士喜康侯三接雨露恩深郡博諸賢共羨
賈生前席譽髦斯士行觀景倩登仙祖餞郊亭騁驥足於周道
懸情魏闕垂委佩於堯階袖拂香煙口傳天語返細侯之夙駕
慰竹馬之郊迎爰括頌聲用申驪唱

詞曰

皇都春蚤正律轉陽回虞庭熙皞一片孤忠臣心似水鷓鴣班
中年少玉漏催殘畫角絳幘鷄人報晚望鳳闕見虎衛林立
龍涎香澆

縹緲遙看慶仙仗翠華玉露承雲表四海恩光雲開五色彩鳳
曉啣花誥漫道百寮那更重瞳離照望仙佩願軼名班馬志期
伊召 右調喜遷鶯

記類

辛丑時令點齋記

嘉靖辛丑春正月至五月不雨先是四月五日
宗廟災上譴甚躬祀郊廟下詔罪已用禮官議設醮西苑

祝各官齋宿祈雨則見天時亢焦惟風與霾而已樹葉凋零草
色萎黃微風颯颯鳥聲啾啾蕭瑟閑寂若秋氣然夫五月正夏
時也而秋令布焉識者以為天道不順矣論道經邦燮理陰陽
宰相責也弼一人以理萬邦而時令不正迺如此則將焉用彼
相哉時 上憂旱用禮官請命百官趨臺省齋宿憲臣點查緝
衙巡訪以祈雨澤臣時以監察御史承院長委分視宗人府而
以寶鈔局柴炭司附太醫院而以生藥庫惠民局附鴻臚寺欽
天監凡三日百職敬慎越三日夏至祀北郊遣成國朱希忠主
祀事五品以上官陪臣復點諸衙如前計六日始峻嗚呼方澤
大事也祈請大命也咸叨庶之榮王遣也旱不減神不歆也時

政之圯可知已以實事 夫者盍慎諸

欽恤記

嘉靖二十年當五年會審之期 皇上欽恤之心肫肫其誠乃
遣司禮監太監絕忠捧 勅至大理寺會同三法司擇日審讞
維時刑部尚書錢如京侍郎吳山都察院都御史王廷相副都
張珩胡守忠周煦大理寺卿劉訥少卿梁尚德曾銑張鵬閱刑
部囚二百餘人都察院八起三日事竣中間有情直者矜疑有
再問共若干嗚呼天地之大德曰生聖王之大德曰仁全惻隱
之心以隆博愛之道恤刑盡之矣諸臣果能体此意乎善以掌
道事規當趨寺監審則見錢主於執王主於釋一張一弛文武

之道也司禮監唯唯而已嗚呼欽恤大事也諸臣能體 皇心以明慎事一人厥任不負矣但審察之間多主成案囚不得盡詞什百之間能無誣乎萬一有誣豈不重 負 皇心而下被陰譴乎天道昭昭當事者可不慎之

登臺記

嘉靖乙巳春余登欽天臺

凡見銅身高四尺餘名子午闕上

有管如葦頂有孔下刻以五嶽龍戲之狀不知何所用也再登臺臺東南銅器名曰渾天儀高五尺餘四面闊亦如之其形方者以象地也西北空其一角以象地維之缺也中有孔如鷄子以象地之洩也上空成混圓大如懸鐘以象天刻以細文以象

天之度也中有橫管可運以象天之轉也視其文乃元太史院許衡於至元己卯所鑄西南隅有銅器高丈餘四隅各為龍戲狀外四隅鑄四山有乾艮巽坤文各以銅鍊繫龍足守者云東南一龍飛於後湖今不獲後人補鑄不識然否上承璇璣玉衡之形度數分朗銅齒歷歷云是宋時所造觀之準惜今不用也惟中一臺上有簡儀器今臺官所用四圍周以銅閣道下有銅圓書子癸丑艮二十四字北一面亦如之上四隅各為龍狀者八並峙其上各承圓器上書天度中橫一銅坂外出一片如程有大小孔可用之以窺天也又中橫至圓器制亦似前細觀豎圓所鑄下地心上天頂左右地平一十起下至地心各九十度

左右地平一十起下至地心各九十度左右地平一十起上至天頂亦各九十度共三百六十五度也下臺西一室上空明三尺餘砌臺長一丈二尺上有刻度南豎一表亦一丈二尺兩旁二龍相戲共捧一尺尺上有日月形夏至止於表根冬至止於表末天地至大也日月至高也而立象以畫意步測能准天地設位聖人成能豈無見哉

開州興國寺增建水陸殿記

澶州自梁季李存審取德曰寨而築開城即建興國寺寺坐落城東衢巽隅國朝習儀率在於茲第無碑志可考耳爰稽佛教自鷲嶺拈花迦葉微笑是法遂演於東土晉魏梁隋以及勝

國日以駸盛由是浮圖徧於陸海矣我太祖建極適治以開為畿輔首善地故於郡縣城寺設僧員以統諸僧蓋欲類族辨物以正俗於天下也寺中每歲上元日檀越好修者於殿前苦蘆蓋以布水陸軸卷焚香薦陳都鄙民往往游焉蓋沿梁蕭宗鏡餘習云爾弘治中郡守池陽李公振作化機多毀梵宇驅之尼以振愚俗民間雖荒喪天札殊無禮懺者四十餘年豈非不塞不流救其俗而張化絃也邇來醇渙俗蠱問閭落魄之徒浮薄之氣囂囂內訌肆為厲階間有少存良知又率歸於發心脩果至有跣足負土建修效尤余固不諗其真與質特取一念作善能單去暴戾亦可哀也非所謂逃俗而歸於墨者乎嘉靖辛

序
亥前郡守李陶山聿修正殿己未郡守周雲川復令僧募緣鳩
資乃於殿前增豎五楹而高廣與正殿差埒蓋因其俗而振之
以為福地頌 聖所豈泛為哉寺僧普濟修光又詣建康造水
陸像一百二十五軸五大部經若干卷其用心亦勤矣今來勾
記於余余少游茲寺習知寺僧鮮不墮於俗障今見此僧脫然
迥出風塵非所謂逃墨而慕儒者乎吾儒道如日中天人可炙
背余何為深拒耶昔韓子送文暢序以墨名儒行而欲與之游
柳子作淨土院記甚稱巽上人無體空折色之跡是亦泐楊子
在夷則進之說也余為記以應其請者進之也且推郡守之意
以廣臣子圖報之忠無之矣若裴平章序圓覺必欲探驪珠於

滄海揭桂輪於碧天是謂懸空鑿慧以之振世勵俗不亦誕乎
開州重建寅恭堂記

開州本澶淵地舊為鎮守軍郡治之堂扁曰鎮守鎮守後堂扁
曰寅恭蓋退食所也名堂之義淵乎邈矣堂歷歲久嘉靖己未
霖雨甚堂圯無何北郭樓亦圯雲川周侯以歲大水禾弗登又
經壞堂與樓時絀如此將若之何乃籌度咨畫卜期興工委醫
官馬如電等鳩新舊之材而錯用之合鄉井之民而兼役之工
始於八月朔日訖十月而堂成郭門亦築甚至女墻工將竣由
是瓦墁砥甃題榮窠楠跂翼矢棘屹然稱盛槩矣是時雲川遷
二泉州梅岡鄭侯單車履任適會堂成相與晤語瞻顧斯堂寅

恭之節蔚然可述在昔虞夏盛時官牧濟濟政事惟懋臯陶陳
謨其要歸於安民之一語然則安民固實恭之極也豈以郡事
而靳於斯乎蓋開為畿輔重地其秩有郡守佐貳領幕相與從
事其政有兵戎食貨駟牧誥奸各有職司監司臨之以馭其上
吏民傾之以懼於下相維之勢如臂使指必寅恭醞藉勿沾沾
自喜而受鼠兩端以弘引繩批根之義然後民藝物則各揆其
方和衷之妙著矣若使同寅少戾雖賢如廉藺等亦猶不免焉
况其餘乎此協恭所以難也雖然於此有機焉作之者郡守也
翼之者群寮也從之者庶民也非有機以振之何以語寧一之
治哉昔楚王患楚俗車庫而欲高其車孫叔敖喻民以高其柶

故不教而民從化為堂者何以異此今築堂而物軌端矣其效
豈止高其車乎吾知機著於堂成矣而堂成之機適邁乎郡守
之相忘此固雲川新堂意也况梅岡才氣卓犖見事風生不逾
時而政刑改觀樓堂俱飭巍然炳煥而雲川去郡之心始慰矣
豈非一時濟美之盛哉雲川將行託余以記乃綴蕪詞以應之
周侯名道光字子孚蘓州太倉人鄭侯名源彬字汝宜福州長
樂人俱癸丑進士

詞曰

有美斯堂在澶之央營室委次奎壁分章以雨而壞以霽而荒
亦有郭樓次第弛張鎮雄河朔形勢益昌北枕天雄南俯河隍

東嗽濮水西瞻太行有美斯堂翬飛鳥翔偉矣雲川卓哉梅岡
奮翼雲霄專城畿方先後輝映盡心區疆審時舉役覺楹峻墻
既飭既完負陰抱陽大夫夙退委蛇趨蹌志切窮簷節秉羔羊
洵美洵宣時雨時暘群寮慰悅民俗以康殷殷遺愛棗棗甘棠
衆稱傑構千載聲揚澶水洋山孰與深長

開州重修儒學記

長樂梅岡鄭侯以良牧著名壽春嘉靖己未冬補任於開歷治
八月有奇六事聿修四民頌作及見學宮廢喟曰可頽然至是
乎吾將新之以盡吾責焉而已於是庀材顧役估費計程謀畫
已定掌教李君棟聞之欣然願督厥役親為綜理無遺慮馬工

首 大成殿次兩廡啓聖祠尊經閣以及門坊街垣整飭咸備
黜堊燹煌甫三月而工訖掌教復偕寮吏君森徐君鈞陳君詡
率弟子員張子訓蒙等詣余請記澶人史氏褒善曰嗟乎學校
人才自出之地也自虞夏商周之學弗可及也漢唐而下風漸
靡矣惟我 明興 天啓聖真建學立師得才為盛但服習既
久本真漸乖以是居官者鮮實效為士者無定志有由也已記
曰凡學官先事士先志非臆說也吾聞畿輔名郡古之衛境夫
子轍跡所至教澤閎深孔門商賜諸賢降神之區賢大夫遷伯
玉史魚治化漸被故季札過 魯自稱衛多君子豈無見邪今鄙
侯治開其以君子而望於 魯者乎故慨然修葺學校加意譽

髦其於官先事者亦既盡矣而士之所養有君子之志則可譬猶樹焉樹桃李者實可食也樹松柏者節可仰也樹荆杞則辟之誠能去其可辟而就其可食可仰此其志斯偉矣亦鄭侯修學意也况今開庠人才輩出科目相望桃李盈庭將來奮翼天衢薦隸忠貞以衛民社誠松柏之挺然者也不亦可貴乎韓子以燕趙古稱多感慨悲歎之士謂出乎其性也然而衛多君子非出以性而何為士者蓋亦致理性情以培士人之風節則松柏之君子彬彬矣吾將有望於多士不然徒以文鳥而利達是依人將以荆杞視之不可惧乎語曰芝蘭雖香孰與紉長然則諸生之紉其思以君子自寡乎

開州八公橋橫隴村重修

玉皇廟記

橫隴在八公店震方離城四十里本黃河故道熙寧中修河筭名村之東有巨陵高二丈圍百步約畝之五許每風雨夕煙霧鬱葱土人異之舊廟久廢但見瓦礫參差爾嘉靖戊午弟揚善福善暨里耆靳伯齡等發虔舉廢乃延羽士吳簡立尺籍募鄉隣之好善者各捐木石磚瓦粟貲等近百餘金福善復募陶人為琉璃瓦器及工匠食飲諸費亦費金如數其用志勤矣乃擇日鳩材豎為三楹豐棟飛甍軒豁雲霄中像神龕兩山繡壁雲龍交會遠望近覩崔嵬翠積誠一時秀發之雄構也神像者何

微垣天皇星座是也何以祀天皇蓋人神之主也易傳云帝者
天之主宰運行四時終始萬物陰陽下民監握灾祥其於民命
尤切也故立廟以祀之民之情也祭法云能禦灾捍患則祀之
帝之功豈止是耶宜民之所輸虔心而專敬也孔子稱虞夏弗
可及者豈非遵命事鬼敬神而遠之其義遠矣但今之民俗惑
於福利不南之武當則東趨泰岳動經諸省之民不遠千里蒸
修設醮歲無暇時其與漢宋之世東封西祀何異哉廢民事而
尚鬼神此所謂舛也吁可恠哉民俗之蔽一至是耶方今 聖
王御宇仁義禮樂之化浹於無外其所以泐人心而闡世教亦
既隆矣第值天時易宜水旱荐至室如懸磬差役蝟興民情如

沸雞犬不寧我澶民猶知事鬼敬神以遵夏道蓋其醇朴之質
未斷固有之良未泯所以回浴睢之狂瀾復誠敬之本體此其
志可哀而其心可與也必敬鬼神而遠之以作善念無纖芥邀
福利心益力於孝弟強仁義存忠信毋怙強毋凌弱毋矯詐毋
竣畛域毋便已瘠人毋好鬪健訟以興善俗遊心於堯舜之世
則 上帝悅懌百祉自臻而民物泰矣經云天道無親常與善
人為今世斯民者尚其力於為善而為天之所與以終 上帝
仁愛之心可也言不盡意復繼以銘

銘曰

於皇上帝降臨大荒閭闔既闢鳳舞龍翔環視河朔眇嚮澶鄉

序
嗟維橫隴庀柱中央突然山立起信谷蒼雲翳霧集金鏗玉鏘
重甍非棟桂宇蘭墻端凝冕旒爰執圭璋琉璃耀日金碧呈芳
帝德惟茂景福遐昌風不鳴條雨不破壤雨暘時若禾稼盈場
報以春秋賽以笙簧鼉鼓雷轟雲旗鷗張帝曰歆止民心用康
率彼華胥遊神陶唐

說類

捫天小說

嘉靖丁酉歲萃軒子會遼餉晤余每道以未嘗廢學其念頭亦
正唯以詩文迥俗流拔宦標蔽也夫我則意不在魚役志而忘
內奪吾大吾不忍也澄泓無波此情迥快有人惡鼠夜盜者予

亦為其擾惡之細思之獨不然蓋大鈞不擇物而鎔大聖不絕
物而居况鼠麗室穿穴不龜息不蚓壤張口待哺夫誰與食閉
穴偃臥忍饑難再主者不與雞犬同豢防者每設機械見斃養
猶捕之塞墉掩之若防盜然皆違化也使鼠能如雞鳴犬守肉
若豕皮若貂則人又將設罟易牢願息惟恐其不陪也又焉用
夫惡乎凡人之情益已者貪之損已者去之鼠之生不近人情
造化所不能盡也而况於人乎予居遼院卷書文移多被鼠噬
齧但於噬缺者補之夜則令門者注粟於傍庶彼得食罔侵其
他也易曰君子遠小人不惡而嚴推之以處鼠亦如此
天無晝夜以日升沉為之若常升則常晝常沉則常夜但循環

之理氣機之運不得已而為之也故晝夜生焉或曰六合之外有晝夜乎曰上晝而下夜上夜而下晝亦以升沉驗之但氣之充塞莫可致詰亦有生物乎曰大塊之外皆氣也氣未成形物何有乎大塊何乘乎曰乘乎氣大塊厚重奚勝乎曰塊積然氣浮然塊無動氣無靜塊有涯氣無涯以浮承積以動括靜以無涯承有涯何弗勝之有說者謂八軸三十六輻孰為之而孰數之也謬矣觀塊遇春則闢遇冬則裂遇風則走遇雨則沾遇撞則動皆氣為之也氣有所歸則塊有所承氣不缺則塊不壞氣能入塊塊不能入氣氣能用塊塊不能用氣如入地穴中夏及颶颶冬及融融氣之變也金石至堅亦有潤焉氣之漸也火氣

之裂者也爍金燼石何所不入乎而况於塊乎塊非氣則無體非氣則物不生非氣則形莫載故塊氣交而世道泰聖人生人在氣中相忘於氣不知一身之外皆氣也魚在水中相忘於水不知一身之外皆水也魚以水為呼吸人以氣為呼吸魚離水人離氣皆非生道也是故魚以潛深為樂人以養氣為本氣之本曰心心為氣主心在則氣在心亡則氣亡心惰則氣惰心粗則氣粗氣随心而應猶僕聽命於主僕悍則欺主氣勝則客息客氣勝則主翁危欲養心者莫先於銷客氣客氣盡正氣生孟子浩然之氣是也人少時氣多客壯時氣多平老時氣多索拘於所感而囿於氣者也猶草木發於春茂於夏凋零於秋冬

隨氣而變惟至人變氣不為氣所變不容於少不索於老故曰
至人之氣常平常平之氣天地中和之氣非至人孰能定之佛
氏冥心定氣術士導心化氣外家之說也俗士從氣使氣斯下
矣
視多則能索氣聽多則能竭氣味多則能奪氣言多則能損氣
動多則能耗氣久坐則氣沉久臥則氣昏聖人則無視而無弗
視無聽而無弗聽無言而無弗言無動而無不動味而不貪坐
臥有節勿助勿忘之間真氣不斷亦如天行之健而自不勞以
不自勞故行健以健故不知勞佛氏純乎勞而強於健故亦能
令氣不斷

雜說

有天道而後人道立天道異常人心異則皆變也人值天變則
懼值人變則不懼吾莫知之也

天變其可畏也夫王安石以為天變不足畏謬矣

心不存則事不立志不篤則守不定知不真則行多豫量不廣
則見多偏

心役群動如浪裏行舟徒多危多懼而已何益之有人心自有
恰好處得恰好處無多時亦無多人

吾人嘗患智不若人及智於我者反不若吾之愚矣吾嘗患巧
不若人及巧於我者反不若吾之拙矣是豈智巧果不足以勝

愚拙耶過故也

水挽之則混心擾之則亂善靜學者觀止水斯裕如矣夜靜而群聲息心靜而群累息群聲息則見造化之體乎群累息其見人心之體乎

平旦清明孟子所謂夜氣是也晝日獨無清明之時乎蓋夜氣靜也晝能靜則晝亦有夜氣之妙也夜能不靜則夜亦有枯亡之害也孟氏借此以明人心易見非人心專借乎夜氣也故曰存乎人者豈無仁義之心哉蓋言全也

天理常存則心神自安

時時孳孳於學則自有悅懌處幾日杆格便覺心碎無着處以

此知學乃安心之亭也

學不但閉戶閱書對客出門入朝御史處事無鶻突衝過即是學尋文數墨末焉已也

跋類

遼志跋

遼陽舊有志何為而修曰為其敝也為其僭而散也夫敝而弗理則廢僭而弗正散而弗統則贅矣而何俟於今日曰先年都憲婺源潘公倡之于始也若東巖之徐公北郭之劉公初亭之程公迓潘公之雅而肆之成也秘閣也久矣今始出焉中丞西溪任公稽而振之率若屬而訂裁焉考前意也萃軒薛君括而

潤色之讀遼志有文焉可驗也覈而信嚴而辨博而有要有是
裁體之嫻也復得內翰龔雲岡引序于端黃門吳龍津繹精于
後噫衆美具三長萃矣以成則其志也豈易視哉故張平子西
京賦作之三十年豈不為益信矣乎今志更於累歲成於數手
而萃軒終之迹若戾而艱倍之其紀實昭後以備小史之遺為
國家鳴盛則過之矣余也濫竽按事聿觀厥成頂涉未見安得
不歷厥載而詳述乎後之覽者興焉亦將有徵於吾言

贊類

贊清獻公遺像

卓哉清獻公耿耿盛時賢善修方寸地每事必訴天訴天夜然

香靈光徹上蒼 帝心恒眷顧福祿杳難量千古垂汗青丹心
映日星日星有明滅此地無休歇遺像留人間高名尚芳烈吾
心妙真機感慨七情熱

詞類

冬初登君山闕操廡和水南學士桂枝香

蕭蕭落木看東注大江萬里歸幅瞬息舳艫千艘旌旗如簇殺
氣騰騰摧黠虜眼見他電奔星逐凱歌馳奏 天顏有喜蒼生
春育嘆平生志慮千斛遇 明時附驥奮翼江澳帷幄運籌汎
掃鯨膾汚辱仗義匡時膽氣粗建功勳彞鼎堪讀翻媿謫拙誰
圖恐負報 主心曲

言
登金山滿江紅

翠削芙蓉凌碧漢琳宇如簇諸天外霞光映水錦帆搖綠四顧
悠悠昏曉定虛岩蕩漾煙雲足送長江一瀉朝瀛海奠坤軸覩
群峰傍華屋逞孤標中流矗遠紅塵瑞靄疑眸闌苑添錄風雷
動地潛蛟舞洪濤簸岸香樹慶拱金陵一脉纏龍虎延帝祿

聞鴈過

問子何時度幽燕胡騎今薄倒馬閑羽檄遙馳霄漢聞望龍顏
衛霍將軍出塞還玄羽翩翩報素秋夜半寒聲過帝州上林天
子網羅求無來由暗度江關學野鷗

又觀行省三顧屏

炎煨已盡無餘資三顧茅廬事可奇鼎足惟有臥龍知江東
何必恁拙術吞餌荊州何所為咲觀鵲蚌兩相持

歌類

題天仙圖效栢梁體

山中辟穀已多年丹經萬卷落言筌口訣指處是心傳化鶴歸
來意蹁躑閑時遨遊五岳巔携琴訪道晤宿緣金丹成光欲
然壺中日月樂無邊瑤池仙童捧玉笈此桃已熟歲三千華陽
隱居道心堅胡麻飯罷息綿綿幾見滄海變桑田指揮如意天
花鮮香堦瑤草擲金錢梅蕊含春五幅全握符常侍玉皇前瀟
灑人間第一仙

歸澶歌

喜吾歸來兮大江濱高着輪巾兮離風塵養靜林泉兮莫問津
心神舒暢兮見吾真

喜吾歸來兮自南京禦倭三載兮秉忠誠誓剪鯨鯢兮江海清
報效國家兮慰平生

喜吾歸來兮濯長纓棲遑河朔兮倚翠屏吟咏風月兮適性靈
不染塵囂兮足吾生

喜吾歸來兮駕小車時遊平野兮珮舒徐樹蕙百畝兮觀池魚
日暮言旋兮望吾廬

賦類

登西岩臺賦

歲接大淵序臨季秋玄霜散玉葉填溝仰素昊以無聊駕雲
車而周游出郊坰兮騁睇懷鬱悒兮少瘳望西岩兮極浦嘉主
人兮清幽若乃步舞斯臺如陟丹丘峻嶒從翠垣倚城陬杳孤
雲之出岫擬落鴈之颺洲徑圍何假乎百尋鮮立俯視於中州
量坤軸之增重信泰嶽之委求迎旭日於扶桑捧丹心兮金甌
望崦嵫於夕暉羅升沉兮青牛至於村落陸離咲與交稱塲禾
穰穰澶水悠悠齊紛榮於焦鹿群造物於沙鷗雖弭節而霽威
聊抱琴以紓憂謂余好修兮締珮故與携手兮情投重布瑤席
高列庶羞清重佐酒彤管雜謳撫明霞之藹藹聽離鴻之啾啾

仰嚴陵之跨釣陋銅雀之侈謀對滕子長彌披燈子夷猶問天
兮寥廓嘆逝兮萍漚若夫高臥陳蕃之榻回首仲宣之樓銷窮
途之舊恨遂龍門之勝遊崇華秘藻豁心浴畔芳菲菲其襲予
志冉冉其微猷逝矣危曠嗟我猥僕走塵車於渴轍抗俗類於
通郵謂卑隘之難醫何一涉而可抽恒來往於此中與葛懷而
交修

祭文類

祭衡嶽

惟神稱宗方嶽真位南維光流王檢功贊瑤樞肇典舜巡秘
圖禹趾歷代因之禋祀無繹其恭承帝命按巡于楚賞罰之

權明神是與夏月來至于嶽之下殷薦馨香莫敢微蝦惟民
頑率惟吏好良惟神之迪政是用章風雨以時寒暑不愆惟
神之休永格于天

祭兵部尚書趙洪洋公文

嗚呼海嶽收精乾坤歛氣先生固已騎箕尾而為列星矣其功
銘於旂常威伸於夷夏重鄉國之儀刑增縉紳之慨嘆者善豈
能忘情於先生耶昔先生對大廷而寫經綸也褐衣方褫蔽振
詞林諫草初赫名高鎖闥佐銀臺而出納董奏司綱牧而蕃育
驪黃荐轉勛卿功深調燮繼登憲府績著保釐總儲備於地曹
掌本兵於夏省羗胡破膽加寵秩於宮僚朝野傾心望殊勛於

問世夫何尊鱸起張翰之思蝴蝶入莊周之夢嗚呼先生宦燕
山而情切同里隨鷓鴣而喜侍同朝月夕風晨清尊咲傲畧勢
分之崇卑忘歲年之老少則又忝結同心先生之於善可謂異
姓骨肉矣雲繞洪山鷓鴣鳴華表舊約寒而佳城建矣如之何其
勿思耶蘋藻薄陳袁賜屨割先生其亦諒此否耶嗚呼哀哉尚
饗

祭封君晁南庄公文

惟公靈鍾喬嶽質孕七襄巍基挺秀茂緒叢芳遡周道而命軌
佩蒞蕙以趨賡馳休轍於華籍振遺嚮於澶邦縉章終於素履
續信義於羲皇向辭榮而耽寂遂種德以含章樂香山之清燕
追巢許以相望惟本深而末茂見慶源之流長產荀龍其拔萃
迥玉堂之仙郎誕孫枝其濟美蚤獻賦於長楊侈皇恩其覃
被樂壽考之無疆胡乃名山歛秀星靈隕光悵綺園之長往撫
松菊其荒涼豈猷世之溷濁隨元化以徜徉惟太史之純孝泣
勒銘於大方爰葡萄酒以遄返抱終天之永傷善忝結知於令子
茂莘眷於餘光俯逝川以增涕慟熱遺於云亡嗟執紼之莫遂
渺山川之鬱蒼爰緘辭以致奠庶來格其洋洋

祭憲副孫右川親家文

河岳精英流衍間出惟公之生鍾此竒崛栢舟授經期以成立
文章炳蔚危科蚤掇才能擅一代之良學術富百家之藉始登

部署剛正不忒勤勞須慎群小畏懾繼司牧府撫綏招德履正
奉公三晉稱傑 朝譽日隆邊機是勅受直決旬虜患叵測提
兵抗禦偉望無缺人將謂公由此以大受胡然而彼蒼之漠漠
忽逢數竒杳馬遭蹶嗚呼哀哉何由追躡不肖夙附驥尾道誼
相結忝聯姻婭膏沐淪浹恨兩地之幻跡從同心而阻隔感鱗
鴻之遠加徒捧誦於永別生不得以連鑣轡於晚途死不能以
殮歸視于葦列聞公之訃如與公訣思公之容如與公接痛公
之心江流匪竭此情此恨何時可撤山川遼曠臨風蕭索香芹
一瓣瀉我心迹公其有知來格無斃尚 饗

祭江陰縣令忠節錢鶴洲公文

惟靈秉天地之正氣擅山嶽之精英有剛直不撓之質有皎皎
察物之明有守官如水之操有保民如子之誠忠肝義膽由于
性成頃倭夷之煽電乃獨守乎孤城撫之有道而政不苛鎮之
以靜而民不譙顧猖獗之已甚遂一麾而南征爰矢心于天地
不與賊而俱生惟社稷之是念曾何愛乎一身堂堂乎戰陣之
勇其諸異乎結纓嗚呼人亦有言河嶽列星運閔天地浩然獨
存流行宇內固是氣為之屈伸若先生者豈非所謂芳流百世
心照汗青死有重于泰山而非特勒公于太常之銘者邪善也
典戎茲土恤此忠晶薄奠遙將慰爾幽貞臨風愴然哀悼曷勝
蓋不獨以成天下之事任諸已而實以死天下之事慟乎君也

尚饗

祭先隴文

嘉靖三十五年歲次丙辰秋八月丁亥朔越二十有四日原任
提督操江兼管巡江南京都察院右僉都御史不肖男褒善幼
年失恃母氏蚤違吾親手授韋編男始叨壬辰一第癸巳授行
人越二年選御史丙申以青宮恩命吾親授封如職丁酉
男出按遼東戊戌吾親逝矣男乃宅憂啓母氏先輿舍窆於龍
淵宮側及免喪赴京男承按楚命過家趨隴祭告是二舉也
甲辰歲進賀聖壽過隴稱奠已三舉矣旋遷南京國子博士
歷吏部郎中戊申遷江西副使復得拜隴為四舉也越三年辛

亥遷浙江叅政獲便道省薨寔五舉也任浙踰年癸丑遷本省
按察使河南右布政瞻望帶河未遂一渡不六月操江命下
迺復過家祭掃為六舉也是時奉命維謹正值倭難馳驅三
載遠離墳墓心如懸旌皇皇如慕丙辰秋月被命歸里載尋
故隴剪拂荆杞掃除隧道潔辨牲醴率諸子孫周旋樽俎釐百
年供養之歡承一朝報本之虔如吾親泉下有臨祈鑒芹辨以
慰絲心尚饗

祭隱君魏鏡泉文

嗟惟隱君著族名邦結舍春媚棲遲畿疆世衍儒業道義行藏
耕莘自樂夷猶雲莊延師訓子蚤遂軒昂卓哉建山橫鴛鴦翔

學富五車革掃千童試聽春雷為國棟梁有君履素笑語趨蹌
有子純孝就養無方菽水庭幃以期祿養義冠繡服行沐 息
光詎意年踰破瓜樹寧飈狂疾不伏枕一夢黃梁人生薤露卉
隕秋霜檄為誰捧劍掛旌傍余忝戚末搔首哀傷臯魚肉裂稗
子束觴惟靈鑒只披髮堂隍尚 饗

祭大叅王一良徐夫人

嗚呼允惟王母坤道含貞其貞維何嫵婉夙成誕降儒門鍾婺
之精幼服姆訓詩禮舊聞宜配良翁以贊家聲爰稽良翁古之
君子高登黃甲遂膺豸史抗疏啓沃其直如矢名動兩京縉紳
嚙指颺歷中外叅藩金紫於是夫人蚤膺景命鳳冠珠履小星

顯咏鷄鳴濟美多斯兆祥麟趾耀里惟夫人御勝有方故良翁
一清如水急流勇退棄官脫屣囊底無金傳家有子地靈人傑
龍潭峰起是以良翁雅調化絃秉握古禮家廟聿興春秋獻始
百年曠典一朝風紀勵世作則夫人謙喜子貴夫賢駐世延年
壽考幾耄二豎忽遭可慨夫人順德鮮儔女中魁傑永蔭洪休
嗚呼雲山蒼蒼澶水泱泱大河東去滄海茫茫魂無地而不作
川歆渡而無梁雲旗而有日返玄室而理裳余慚葶末聊酌椒
漿寒日彌空女須侍旁尚 饗

祭司業晁春陵公文

惟靈天挺靈豪大器夙成少壯登朝鴻漸濛瀛曾中學富五車

筆下詞宗兩漢特隆 簡任抽思操翰絲綸之寄 國家之幹
誠盛世難得之才為畿輔人物之冠者也柰何驥子接武家門
愈昌玉樹森立先秋隕霜豈非福難全於五至機有伏於並將
夫以公忠愛憂國之心何往而不果量人料事之長何事而不
妥適情運智之能何地而不可而固斬於數之不可逃者寧非
偶然之遭乎即今瑤碧無爛而萬卷猶存石室如夢玉堂銷竟
事有曠今昔而相感理實槩離合而興哀嗚呼阨京華兮旅襯
獨歸乘木蘭兮臨流徘徊返故園兮橋梓聞寂環新阡兮鬼魄
滌迴慚戚末兮撫景憐才爰酌桂漿兮萬籟如雷尚 饗

跋

圭自垂髫時即聞之鄉 爰遠道

澶淵為河北人文淵藪也

沈翁支子為名直指水鑑一時文鵠
四方接遠則遠之士礪干戈謝功
揖讓按楚則楚之士礪荆璞糴
而陸璋其劍出門下而顯海

方者多矣而人雖尚重雜哉張於
表其星斗之望不啻荊州越數
十年乃免辱藥籠之狀而錯諸
參苓柝何幸也夫子藩憲者
浙惠政在人口碑已而建節江
防屬在節制平定安戢恩庇
視昔更鉅第福在地方功在

朝廷融合不在當路東山寄興
一年而蒼生延頸日切一日今

朝議推轂

聖明虛席鼎鉉之握蓋在旦夕霖
膏又將遍溥海奚啻一浙頃圭與
震公崔汀先並同上春官獲友
子藏集携歸以付剞劂自慰

部芳第故妄評已乞石川翁
叙之首以間值當續貂以紀始末
謹摭畧如右宏裁尚饒另圖補
纂

嘉靖丁巳十月吉

門生諸大士拜手頓首跋

沱村先生文集跋

吾鄉沱村先生夙有文譽每揮毫輒祭酒
一時一時胥重先生之言矣後建節江上
時倭奴跳梁先生親簡士馬旌如朱鏃如
雪鯨鱣救擊屢有戰庸于是人又重先生
之功而知先生不止以言雄也今先生之
孫彥實君重刻其詩文如干首命余引其

端余則以諸貞白諸君得目先生生時知
之稔揚厲甚詳何俟里閭後生然竊重有
感也世之評文者墳典後僅推五千言而
詩則止蘓李十九子建玄暉得免彈射餘
即汲冢越絕且斥為贗書杜家工部且有
秦聲之誚盛哉然風雲月露刻畫雖工不
過齒牙間得利耳于事竟何益邪江左名

流握玉塵終日清言靡靡可聽而符郎萃
警束手無算使非太傅率車騎一戰山艸
風霍胥寒敵膽則中朝之舵再荆棘矣夷
甫諸人談鋒雖令功臯不相百哉先生之
詩若文固在而余尤賞其破倭勛勞直在
日月之際當不與一杯俱盡區區雕蟲尚
非多也且聞先生為諸生時恂恂若靜女

而及其高牙大纛夷猶里中猶然前日不
少溢焉此又先生之功之文所為炳烺之
本乎蓋穆叔所稱三不朽先生兼之矣
萬曆乙巳二月吉

賜進士第禮科右給事中眷晚生朱爵頓首拜撰




安東家廷春似海太平人物壽如山

書名

冊數

一



書名	浣村集	冊數		紙
版別	明	議價章		年
議價	6.00			月
編號	字第 359			日
				號

北京市圖書業同業公會印制